

439.

Herzog Moritz und sein Bruder August schenken der Universität 5 Dörfer, Holzhausen, Zuckelhausen, Klein-Pößna, Wolfshayn und Zweenfurt mit allem Zubehör, ferner gewisse wiederkäufliche Zinsen von den Klöstern St. Thomas, St. Georg und St. Paulus zu Leipzig, ferner das Paulinerkloster nebst dazu gehörigen Gebäuden, alsdann 600 Scheffel Korn für den gemeinen Tisch, und gründen fünf Stipendien für Studenten der Theologie. **Weissensee, 1544 Apr. 22.**

Hdschr.: Or. Perg. Archiv der Universität No. 35 mit dem Siegel an Pergamentstreif.

Gedr.: Brandes l. c. 36—39.

In dem namen des almechtigen gottes. Amen. Von desselbenn gnaden wir
 10 Moritz hertzog zu Sachsen; landgraf zu Düringen und marggraf zu Meissen, bekennen
 vor uns, den hochbornen fursten, hern Augustum hertzogen zu Sachsen ꝛc. unsern
 freuntlichen libenn brudern, auch | unser beyder erben und nachkommen und thuen
 kund mit disem unserm brife kegen menniglich zu ewigen zeiten, nachdem wir noch
 Christi unsers liben herren geburt im tausentt | funfhundert und zwey und vrtzigisten
 15 ihare unsere universitet zu Leyptzick mit zweytausent gulden Reinisch ierlichs ein-
 kommens mehr dan sie zuvor gehabt, zu gottes lobe und gemeynem nutze, genediglich
 begabet, inhalts unsers derhalben gemelter universitet zugestellten brifes, der geben ist
 desselben ihares den neun undt zwanzigsten tag des monats may^a), unnd wiwol wier
 dieselben zweytausent gulden von dem closter Petersberge und Pegaw zu geben vor-
 20 ordent, so haben wier doch aus beweglichen ursachen und sunderlich das die universitet
 dises einkommens des da gewisser, nachfolgende andrung darinnen gemacht, nemblich
 haben wier der universitet nachfolgende dörffer aigenthumblich undt erblich mit allen
 iren diensten, zinsen, gerechten und gerechtikeiten nichts aussgeschlossen, sundern in
 allermassen das closter zu sant Thomas in unser stad Leyptzick solche dörffer ingehappt,
 25 die genossen und gebraucht ader die herren genissen und gebrauchen mogen, zugestalt
 und ublich eyngereumet, und seind derselben dörffer nahmen Holtzhausen, Zockelhausen,
 Kleine Pessna, Wolfshayn und Zwenfort, und derselben unserer universitet sölliche dörffer
 sampt yren geldt, getreydich, auch hunner und kaphanen, zinsen, pflugen und hand-
 frönenn, wiesewachs und teiche, welche alles auf funfhundert sechs und funftzig guldenn,
 30 acht groschen, neun pfennige und ein altten pfennig, sampt den widerkeufflichen zinsenn
 des closters zu sant Thomas, welche sich bis in hundert acht und vrtzig gulden und
 ein groschen erstreckenn, vor sibenhundert vier gulden, neun groschen, neun pfennige und
 eyn altten pfennig ierlicher nutzung angeschlagenn. Daruber haben wier an bemelte
 unsere universitet gewissen etzliche erb und widerkeuffliche zinse von sant Georgen-
 35 closter zu Leyptzick, welche ierlich an aller nutzung hundert vier und dreissig gulden,
 achtzehen groschen und zehen pfennige erreichen. Uber ditz haben wier von sant Paulus-
 closter zu Leyptzick an die universitet weisen lassen hundert sechs und dreissig gulden